



**GAZETI RASMI LA SERIKALI YA
MAPINDUZI YA ZANZIBAR**
(Hupigwa Chapa kwa Amri ya Serikali)

Sehemu ya CXXVIII Nam.6758

10 Juni, 2019

Bei Shs. 1,500/=

Imekubaliwa na Mkuu wa Posta kuwa ni Gazeti

YALIYOMO

Ukurasa

Mswada wa Sheria ya Kutoza na Kurekebisha Baadhi ya Kodi na Kurekebisha Sheria za Fedha na Sheria za Kodi zinazohusiana na Ukusanyaji na Usimamizi wa Mapato ya Serikali na mambo mengine yanayohusiana na hayo..... 116

SEHEMU YA SHERIA

Tangazo la Mswada lililotajwa hapo chini linatangazwa katika ***Gazeti Rasmi*** hili

Tangazo la Mswada

Nam. :- Mswada wa Sheria hii itajulikana kama Sheria ya Fedha (Usimamizi wa Mapato ya Umma) ya 2019

TANGAZO

Mswada ufuatao utawasilishwa katika Mkutano wa Kumi na Nne wa Baraza la Wawakilishi utakaoanzia tarehe 8 Mei, 2019 kwa kusomwa kwa mara ya kwanza, ya pili na ya tatu na unachapishwa pamoja na Madhumuni na Sababu zake kwa ajili ya kutoa taarifa kwa wananchi.

ZANZIBAR

10 Juni, 2019

(Dkt. ABDULHAMID Y. MZEE)

***Katibu wa Baraza la Mapinduzi na
Katibu Mkuu Kiongozi.***

Matangazo yaliyohusu maiti, kuvunjika kwa Ushirika na baadhi ya matangazo ambayo ni muhimu kwa watu kujua yanaweza kutiwa katika Gazeti. Nakala matangazo namna hiyo, zipelekwe kwa Mhariri wa Gazeti Rasmi la Serikali ya Mapinduzi ya Zanzibar - Tanzania katika nyumba ya kupiga Chapa, Sanduku la Posta 261. Nakala zisichelewe kuliko Jumatatu kila wiki.

MSWADA
WA
SHERIA YA KUTOZA NA KUREKEBISHA BAADHI YA KODI
NA KUREKEBISHA SHERIA ZA FEDHA NA SHERIA ZA
KODI ZINAZOHUSIANA NA UKUSANYAJI NA USIMAMIZI
WA MAPATO YA SERIKALI NA MAMBO MENGINE
YANAYOHUSIANA NA HAYO

UMETUNGWA na Baraza la Wawakilishi, Zanzibar.

SEHEMU YA KWANZA
UTANGULIZI

Jina fupi
na Kuanza
Kutumika.

1. Sheria hii itajulikana kama Sheria ya Fedha (Usimamizi wa Mapato ya Umma) ya 2019 na itanza kutumika mara tu baada ya kutiwa saini na Rais.

SEHEMU YA PILI
MAREKEBISHO YA SHERIA YA USIMAMIZI WA KODI
NAM. 7 YA 2009

Kusomwa.

2. Sehemu hii itasomwa pamoja na Sheria ya Usimamizi wa Kodi Nam. 7 ya 2009, ambayo katika sehemu hii itajulikana kama “Sheria Mama”.

Marekebisho
ya kifungu
cha 4.

3. Kifungu cha 4 cha Sheria Mama kinarekebishwa kwa:

(a) kuingiza kifungu kidogo kipya cha (3) na (4) mara baada ya kifungu kidogo cha (2) kama ifuatavyo:

“(3) Iwapo kwa namna yoyote Mlipakodi, kwa njia ya zawadi au aina yoyote ya makubaliano, atakubali kutoka kwa mteja au wakala malipo ambayo ni chini ya bei halisi kwa bidhaa zilizouzwa au huduma iliyotolewa, mlipakodi huyo atachukuliwa kuwa amepokea kutoka kwa mteja au wakala malipo ya bei halisi.”

“(4) Kwa madhumuni ya kifungu kidogo cha (3) cha kifungu hiki “bei halisi” maana yake ni kiwango cha fedha ambacho mlipakodi kwa kawaida anahitaji alipwe kutoka kwa mteja au wakala ambaye hana mahusiano naye kwa ajili ya bidhaa au huduma alizozitoa”.

(b) Kuvipa nambari mpya vifungu vidogo vilivyopo vya (3), (4) na (5) kuwa vifungu vidogo vya (5), (6) na (7) kimpangilio.

Marekebisho
ya kifungu
cha 23.

4. Kifungu cha 23 cha Sheria Mama kinarekebishwa kwa:

- (a) kufuta kifungu kidogo cha (2) na kuweka badala yake kifungu kidogo kipyua cha (2) kama ifuatavyo:

“(2) Bila ya kujali masharti ya kifungu kidogo cha (1) cha kifungu hiki, Waziri, kwa amri iliyotangazwa katika Gazeti Rasmi kila baada ya muda, ataamua kiwango cha mauzo amcho mtu atahitajika kutoa risiti au ankara ya kodi kwa kutumia mashine ya kielektroniki.”

- (b) kufuta kifungu kidogo cha (3) na kuweka badala yake kifungu kidogo kipyua cha (3) kama ifuatavyo:

“(3) Bila ya kujali masharti ya kifungu kidogo cha (2) cha kifungu hiki, Waziri kwa amri iliyotangazwa katika Gazeti Rasmi anaweza kumuondoa mtu au kundi la watu katika kutoa risiti au ankara ya kodi kwa kutumia mashine ya kielektroniki.”

- (c) kufuta kifungu kidogo cha (5) na kuweka badala yake kifungu kidogo kipyua cha (5) kama ifuatavyo:

“(5) Mtu anayetoea stakabadhi ya malipo kwa njia ya mkono, ataingiza au atapelekea kuingizwa katika stakabadhi hiyo, stakabadhi ya mauzo au ankara ya kodi na kivuli chake, taarifa zifuatazo:

- (a) maneno “ankara ya kodi”, “stakabadhi” au “stakabadhi ya malipo” mbele yake;
- (b) nambari za mpangilio, nambari ya utambulisho wa mlipakodi (TIN), nambari ya usajili wa biashara (BRN), jina la biashara, anuani na nambari ya usajili;
- (c) jina na anuani ya mteja;
- (d) tarehe ya kutolewa ankara ya kodi au stakabadhi;
- (e) idadi au ujazo wa bidhaa au huduma zilizotolewa;
- (f) bei ya kila bidhaa au huduma na bei ya jumla ya bidhaa au huduma;
- (g) kodi iliyotozwa katika muamala; na
- (h) muhuri na saina ya mlipakodi au muwakilishi wake.

5. Kifungu cha 33 cha Sheria Mama kinarekebishwa kwa kufuta kifungu kidogo cha (2) na kuweka badala yake kifungu kidogo kipyua cha (2) kama ifuatavyo:

Marekebisho
ya kifungu
cha 33.

“(2) Kiwango cha riba kitakachotozwa kwa mujibu wa kifungu kidogo cha (1) cha kifungu hiki, kitakuwa ni kiwango cha riba ya

kukopesha kinachotolewa na Benki Kuu ya Tanzania mwanzoni mwa kila mwaka jumlisha na tano.”

Marekebisho
ya kifungu
cha 57.

6. Kifungu cha 57 cha Sheria Mama kinarekebishwa kwa kuongeza kifungu kidogo kipya cha (3) mara baada ya kifungu kidogo cha (2) kama ifuatavyo:

“(3) Waziri anaweza, kwa kanuni au amri iliyochapishwa katika Gazeti Rasmi kueleza vigezo, muda, na utaratibu wa kupata msamaha ulioelezwa chini ya kifungu kidogo cha (1) cha kifungu hiki kwa kipindi maalum katika mwaka.”

SEHEMU YA TATU
MAREKEBISHO YA SHERIA YA KODI ZA HOTELI NAM.1
YA 1995

Kusomwa.

7. Sehemu hii itasomwa pamoja na Sheria ya Kodi za Hoteli Nam.1 ya 1995, ambayo katika sehemu hii itajulikana kama “Sheria Mama”.

Marekebisho
ya kifungu
cha 2.

8. Kifungu cha 2 cha Sheria Mama inarekebishwa kwa kuingiza maana ya neno “Meli ya kitalii” katika mpangilio wake kama ifuatavyo:

“Meli ya kitalii” maana yake ni chombo cha baharini ambacho kimetengenezwa kwa ajili ya kutoa huduma za kupokea na kulaza wageni kwa malipo.

Marekebisho
ya kifungu
cha 3.

9. Kifungu cha 3 cha Sheria Mama kinarekebishwa katika kifungu kidogo cha (2) kwa kuingiza maneno “Meli ya kitalii” baina ya neno “mkahawa” na maneno “uendeshaji wa huduma za kitalii”.

SEHEMU YA NNE
MAREKEBISHO YA SHERIA YA ARDHI NAM. 12 YA 1992

Kusomwa.

10. Sehemu hii itasomwa pamoja na Sheria ya Ardhi Nam.12 ya 1992, ambayo katika sehemu hii itajulikana kama “Sheria Mama”.

Marekebisho
ya kifungu
cha 47.

11. Kifungu cha 47 cha Sheria Mama kinarekebishwa katika kifungu kidogo cha (5) kwa kuingiza maneno “kupanga kiwango cha kodi au kufanya mapitio ya kiwango cha kodi” baina ya maneno “kupunguza kiwango cha kodi” na neno “kwa”.

SEHEMU YA TANO
MAREKEBISHO YA SHERIA YA KAMISHENI YA
UTANGAZAJI ZANZIBAR NAM. 7 YA 1997

Kusomwa.

12. Sehemu hii itasomwa pamoja na Sheria ya Kamisheni ya Utangazaji Zanzibar Nam.7 ya 1997, ambayo katika sehemu hii itajulikana kama “Sheria Mama”.

13. Kifungu cha 22 cha Sheria Mama kinarekebishwa kwa kufuta aya (e) iliyopo. Marekebisho ya kifungu cha 22.

SEHEMU YA SITA
MAREKEBISHO YA SHERIA YA USAJILI TAASISI ZA
WBIASHARA NAM. 12 YA 2012

14. Sehemu hii itasomwa pamoja na Sheria ya Usajili wa Taasisi za Biashara Nam.12 ya 2012, ambayo katika sehemu hii itajulikana kama “Sheria Mama”. Kusomwa.

15. Kifungu cha 24 cha Sheria Mama kinarekebishwa kwa: Marekebisho ya kifungu cha 24.
- (a) kufuta kifungu kidogo cha (1) na kuweka badala yake kifungu kidogo kipyaa cha (1) kama ifuatavyo:

“(1) Kila Taasisi ya biashara iliyosajiliwa kabla ya kuanza kutumika kwa Sheria hii, itachukuliwa kuwa imesajiliwa chini ya Sheria hii, na ndani ya kipindi cha miaka miwili baada ya Sheria hii kuanza kutumika, itatakiwa kuwasilisha upya taarifa zake kwa mujibu wa masharti ya Sheria hii.”

- (b) kufuta kifungu kidogo cha (2) na kuweka badala yake kifungu kidogo kipyaa cha (2) kama ifuatavyo:

“(2) Taasisi ya biashara ambayo imewasilisha upya taarifa zake itapewa nambari mpya ya usajili chini ya masharti ya Sheria hii.

- (c) Kufuta kifungu kidogo cha (3) na kuweka badala yake kifungu kidogo kipyaa cha (3) kama ifuatavyo:

“(3) Endapo taasisi ya biashara yoyote itashindwa kufuata masharti ya kifungu kidogo cha (1) cha kifungu hiki, Mrajis atawezesha taasisi ya biashara hiyo kufutwa katika rejista husika.”

MADHUMUNI NA SABABU

Mswada huu unakusudiwa kuhusika na masuala yanayo husiana kutoza na kurekebisha baadhi ya Kodi na kurekebisha Sheria za Fedha na Sheria za Kodi zinazohusiana na Ukusanyaji na Usimamizi wa Mapato ya Serikali kwa ajili ya kuweka mazingira bora ya utekelezaji wa Sheria hizo.

Mswada huu umegawika sehemu sita.

Sehemu ya Kwanza ya Mswada huu inahusiana na mambo ya awali ambayo ni jina fupi na kuanza kutumika.

Sehemu ya Pili ya Mswada inapendekeza marekebisho ya Sheria ya Sheria ya Usimamizi wa Kodi Nam.7 ya 2009 katika kifungu cha 4, 23, 33 na 57.

Sehemu ya Tatu ya Mswada inapendekeza marekebisho ya Sheria ya Kodi za Hoteli Nam.1 ya 1995 katika kifungu cha 2 na 3.

Sehemu ya Nne ya Mswada inapendekeza marekebisho ya Sheria ya Ardhi Nam. 12 ya 1992 katika kifungu cha 47.

Sehemu ya Tano ya Mswada inapendekeza marekebisho ya Sheria ya Kamisheni ya Utangazaji Zanzibar Nam. 7 ya 1997 katika kifungu cha 22.

Sehemu ya Sita inapendekeza marekebisho ya Sheria ya Usajili wa Taasisi za Biashara Nam. ya 2012 katika kifungu cha 24.

ZANZIBAR
10 Juni, 2019

(BALOZI MOHAMED RAMIA ABDIWAHA)
WAZIRI WA FEDHA NA MIPANGO
ZANZIBAR

